


*Zarchechak*

**BOLALAR UCHUN  
MAQOLLAR,  
TOPISHMOQLAR,  
SHE'RLAR**



Toshkent – 2015



Vatansiz inson – kuysiz bulbul.

\* \* \*

Ayrimagin elingdan,  
Quvvat ketar belingdan.

\* \* \*

Baliq suv bilan tirik,  
Odam – el bilan.

\* \* \*


Yoridan ayrilgan yetti yil yig‘lar,  
Yurtidan ayrilgan o‘lguncha yig‘lar.

\* \* \*

Bulbul chamanni sevar,  
Odam – Vatanni.

\* \* \*

Kishi yerida sulton bo‘lguncha,  
O‘z elingda cho‘pon bo‘l.





\* \* \*

Vatan gadosi – kafan gadosi.

\* \* \*

Vatan qadrini bilmagan,

O‘z qadrini bilmas.

\* \* \*

Ona yerning tuprog‘i – ona sutidan aziz.

\* \* \*

Vatangado bo‘lguncha,

Kafangado bo‘l.

\* \* \*

Ona yurti – oltin beshigi.

\* \* \*

Ona yurti omon bo‘lsa,

Rangi ro‘ying somon bo‘lmas.

\* \* \*

Vatani borning baxti bor,

Mehnati borning – taxti.


\* \* \*

Vatani tinch – sen tinch.

\* \* \*

Elga xizmat – oliy himmat.

\* \* \*



Elga qo‘shilsang, er bo‘lasan,  
Eldan ajralsang, yer bo‘lasan.

\* \* \*

Fil tushida Hindistonni ko‘rar.

\* \* \*

Eldan ayrilguncha, jondan ayril.

\* \* \*

Elning baxti – erning baxti.

\* \* \*

O‘zga yurtning boshi bo‘lguncha,  
O‘z yurtingning toshi bo‘l.

\* \* \*

Yurtdan ayrilganni yov chopar.

\* \* \*

Har gulning o‘z isi bor,  
Har elning o‘z tusi bor.

\* \* \*


O‘z uyim – o‘lan to‘shagim.

\* \* \*

O‘z yurtingning qadri  
O‘zga yurtda bilinar.

\* \* \*

Ayrilganni ayiq yer,  
Bo‘linganni bo‘ri yer.



\* \* \*

Baraka – ko‘pchilikda.

\* \* \*

Birlashgan – o‘zar,  
Birlashmagan – to‘zar.

\* \* \*

Birlikda baraka bor.

\* \* \*

Bir kalla – kalla,  
Ikki kalla – tilla.

\* \* \*

Yolg‘iz daraxt o‘rmon bo‘lmas.

\* \* \*

Birdan ikki yaxshi,  
Ikkidan uch yaxshi.

\* \* \*

Birlashgan daryo bo‘lar,  
Tarqalgan irmoq bo‘lar.


\* \* \*

Ko‘plashgan yov qaytarar.

\* \* \*

Ikki qo‘l qilgan ishni  
Bir qo‘l qilolmas.

\* \* \*



Ko'pning rizqi – ko'l.

\* \* \*

Ko'p biriksa, tog' qular.

\* \* \*

Ko'pchilik bir mushtdan ursa, o'ldirar,  
Bir burdadan bersa, to'ydirar.

\* \* \*

Xalq tinchligin buzgan omon qolmas.

\* \* \*

El ishiga erinma,  
Ish qildim deb kerilma.

\* \* \*

El bilan bo'lgan yigit,  
Har balodan qutular.

\* \* \*

O'zim degan o'zaksiz ketar.

\* \* \*

Eldan ayrilganni bo'ri yer.


\* \* \*

Har kim o'z qarichi bilan o'lchar.

\* \* \*

Hashar – elga yarashar.

\* \* \*



Yurt desa, yugurib ishla.

\* \* \*

Betashvish bosh qayda,  
Mehnatsiz osh qayda.

\* \* \*

Ari zahrin chekmagan  
Bol qadrini bilmas.

\* \* \*

Birni birov beradi,  
Ko'pni – mehnat.

\* \* \*

Birovning bergani – ko'rgilik,  
Mehnatning bergani – to'ygulik.

\* \* \*

Bog' jamoli – bog'bondan.

\* \* \*

Bekor o'tirguncha, bekor ishla.


\* \* \*

Bekorchidan el bezor,  
So'zidan ko'ngil ozar.

\* \* \*

Bo'ynidan bog'langan it ovga yaramas.

\* \* \*



Bekorchilik – bemazachilik.

\* \* \*

Gap bilan osh pishmas.

\* \* \*

Gap bilan shoshma,

Ish bilan shosh.

\* \* \*

Bekorchining hunari – g‘iybat.

\* \* \*

Bemaza qovunning urug‘i ko‘p.

\* \* \*

Gap bilguncha, ish bil.

\* \* \*

Gap desang, qop-qop,

Ish desang – betob.

\* \* \*

Gapni oz so‘zla,

Ishni ko‘p ko‘zla.

\* \* \*

Yomg‘ir bilan yer ko‘karar,

Mehnat bilan – el.

\* \* \*

Dangasaga ish buyursang,



Otangdan ortiq nasihat qilar.

\* \* \*

Yotgan yotag'on bo'lar,  
Sovuqqa qotog'on bo'lar.

\* \* \*

Dangasaning ishi bitmas,  
Yoz kelsa ham qishi bitmas.

\* \* \*

Daraxt yaprog'i bilan ko'rkam,  
Odam – mehnati bilan.

\* \* \*

Daryo suvini bahor toshirar,  
Odam qadrini mehnat oshirar.

\* \* \*

Yotib yeganga tog' chidamas.

\* \* \*

Jon koyitmay, ish bitmas.


\* \* \*


Yer – ona, suv – ota,  
Mehnat – boylik.

\* \* \*

Izlaganga tole yor.

\* \* \*





Izlagan olim bo‘lar,  
O‘ylagan – fozil.

\* \* \*

Intilgan elga yoqar.  
It yursa, so‘ngak topar.

\* \* \*

Ish bilan vaqt tez o‘tar.

\* \* \*

Ish g‘ayratlidan qo‘rqar.

\* \* \*

Ish quroling soz bo‘lsa,  
Mashaqqating oz bo‘lar.

\* \* \*

Ish bor yerda osh bor.

\* \* \*

Ish bor yerda xato bor.

\* \* \*

Ishdan qochding – oshdan qochding.

\* \* \*

Ishdan qo‘rqmagan – qishdan qo‘rqmas.

\* \* \*

Ish desa, ayyor,  
Osh desa, tayyor.

\* \* \*

Ishyoqmasga soʻz yoqmas.

\* \* \*

Ish ishtaha ochar,  
Dangasa ishdan qochar.

\* \* \*

Ishi yoʻq eshak hurkitar.

\* \* \*

Ishi yoʻqning koʻrki yoʻq.

\* \* \*

Ishi yoʻqning rizqi yoʻq.

\* \* \*

Ishlagan osh tishlar,  
Ishlamagan tosh tishlar.

\* \* \*

Ishlagan xor boʻlmas.

\* \* \*

Kezi kelsa, ketmon chop.

\* \* \*

Ketmon chopdim – non tishladim.

\* \* \*

Ishni istaganga emas, bilganga topshir.

\* \* \*

Ishning zoʻrini mard qilar.

\* \* \*

Ishning ko‘zini bil,  
Erning – tilini.

\* \* \*

Ishning o‘zini bilguncha, ko‘zini bil.

\* \* \*

Kishi bersa – ko‘rimli,  
Mehnat bersa – to‘yimli.

\* \* \*

Ishsiz hayvon ham zerikar.

\* \* \*

Ko‘kdan emas, yerdan topasan.

\* \* \*

Yigitning baxtini mehnat ochar.

\* \* \*

Mehnat qilsang, yasharsan,  
Katta-katta osharsan.

\* \* \*

Mehnat qilsang qaram bo‘lmaysan.

\* \* \*

Mehnat bilan yer ko‘karar,  
Duo bilan – el.

\* \* \*

Mehnatning ko‘zini topgan  
Boylikning o‘zini topar.

\* \* \*

Mehnat, mehnatning tagi – rohat.

\* \* \*

Mehnatning noni – shirin,  
Yalqovning joni – shirin.

\* \* \*

Mehnat shuhrat keltirar,  
Yalqovlik – la'nat.

\* \* \*

Mehnatsiz topilgan mol hisobsiz ketar.

\* \* \*

Odam – gavhar, qo'li – gul.

\* \* \*

Mol boqqanning  
barmog'idan moy tomar.

\* \* \*

Obro' topaman desang, kamtar bo'l,  
Qarimay desang, mehnat qil.

\* \* \*

Obro'ning onasi – mehnat,  
Otasi – sa'yi harakat.

\* \* \*

Rohatning onasi – mehnat.

Odam qo‘li cho‘lni bo‘ston qilar.

\* \* \*

Odamni po‘stin emas, ish qizdirar.

\* \* \*

Suv bir joyda turaversa, sasir.

\* \* \*

Mehnat qilib topganing,

Qandu asal totganing.

\* \* \*

Suv o‘jar, inson undan ham o‘jar.

\* \* \*

Oltin o‘tda bilinar,

Odam – mehnatda.

\* \* \*

So‘ziga boqma, ishiga boq.

\* \* \*

Uyqu – g‘aflat, mehnat – rohat.

\* \* \*

Uxlaganga ulush yo‘q.

\* \* \*

Xazina g‘oyibdan emas, mehnatdan.

\* \* \*

Terlab ishlasang, to‘yib yeysan.

\* \* \*

Tirishgan och qolmas.

\* \* \*

Tirishgan tog‘dan oshar,  
Ter to‘kkan baxtli yashar.

\* \* \*

Eringanning oshi pishmas.

\* \* \*

Yalqov yotib buyurar.

\* \* \*

Yalqov yotolmaydi, yotsa turolmaydi.

\* \* \*

Yalqov – o‘ziga yov.

\* \* \*

Yalqov o‘tirgan yerida o‘tin terar.

\* \* \*

Yalqovlik, oxiri xo‘rlik.

\* \* \*

Yalqovlik yovi – yumush.

\* \* \*

Yalqovning maqtanishi ish boshiga  
borguncha.

\* \* \*



Erinchoq ikki ishlar,  
Oxiri barmog'ini tishlar.

\* \* \*

Yuki yengil eshak yotag'on bo'lar.

\* \* \*

Qoloqdan cho'loq yaxshi.

\* \* \*

Qorning to'ysa, kekirma,  
Bekor yurib, bo'kirma.

\* \* \*

Qulday bo'lib ishlasang,  
Boyday bo'lib yasharsan.

Qush qanoti bilan tirik,  
Odam – mehnati bilan.

\* \* \*

Qo'rqoqning ko'zi katta,  
Dangasaning – so'zi.

\* \* \*

G'ayrat etgan tog'ni kesar,  
G'ayrat temir arqonni uzar.

\* \* \*



G'ayratlidan quyon qochib qutulmas.

\* \* \*

G'ayratlining yuragi qaynar.

\* \* \*

Hamma narsaning otasi – mehnat.

\* \* \*

Hurmat qilsang, hurmat ko'rasan,  
Mehnat qilsang, davron surasan.

\* \* \*

Hurmating – savlating,  
Mehnatning – davlating.

\* \* \*

Beli og'rimaganning non yeyishini ko'r.

\* \* \*

Ishlab yegan zog'orang  
Tanangga yog'dek yoqar.

\* \* \*

Ishlagan er, tishlab yer.

\* \* \*


Tekin yeguncha, ekib ye.

\* \* \*

Kambag'alning puli – peshona teri.

\* \* \*

Ko'ngil tortgan osh – halol.



\* \* \*

Tekin tomoqning tikanagi tiqilar.

\* \* \*

Og‘iz yesa, ko‘z uyalar.

\* \* \*

Tekinxo‘r soyasidan qo‘rqar.

\* \* \*

Tekinning minnati ko‘p,

Mehnatning – ziynati.

\* \* \*

Tekinxo‘r qopib yeydi,  
Mehnatkash topib yeydi.

\* \* \*

Halol ish – lazzatli yemish.

\* \* \*

Halol mehnat – mo‘l daromad.

\* \* \*


Mehnatingni halol qilsang,

Huzurini ko‘rasan.

\* \* \*

Haromdan kelgan haromga ketar.

\* \* \*



Eshakning go'shti harom,  
Mehnati – halol.

\* \* \*

Dardni berkitsang,  
Isitmasi oshkor qilar.

\* \* \*

Afting qiyshiq bo'lsa  
Oynadan o'pkalama.

\* \* \*

Baliq boshidan sasir.

\* \* \*

Yoz yomg'iri loy bo'lmas,  
O'g'ri aslo boy bo'lmas.

\* \* \*

Bemahal yurgan qoqilar.

\* \* \*

Betga aytganning zahri yo'q.

\* \* \*

Bilmaganni bildim dema,  
Qilmaganni qildim dema.

\* \* \*

Bo'rining og'zi yesa ham qon,  
Yemasa ham – qon.

\* \* \*